

## UGOVOR

Br:0602-537-9-7/20

LOT 3 servisiranja i popravke mašina/rovokopača sa ugradnjom rezervnih dijelova

### UGOVORNE STRANE:

**UGOVORNI ORGAN:** KJKP «POKOP» d.o.o. Sarajevo, Mula Mustafe Bašeskije 38, kojeg zastupa direktor Goran Cerić u daljem tekstu: Ugovorni organ)  
ID broj: 4200119040004, porezni broj PDV: 200119040004

**DOBAVLJAČ:** „JASMIN M“ d.o.o. Žepče, Ljeskovića bb, kojeg zastupa direktor Jasmin Malićbegović (u daljem tekstu: Dobavljač)  
ID broj: 4218141300008, porezni broj PDV: 4218141300008.

### UVODNE ODREDBE

#### Član 1.

Ugovorne strane sklapaju ovaj Ugovor na osnovu provedenog Otvorenog postupka za javnu nabavku usluga – **servisiranja i popravke putničkih i specijalnih pogrebnih vozila, teretnih motornih vozila i motornih vozila i mašina sa ugradnjom rezervnih dijelova - LOT 3 servisiranja i popravke mašina /rovokopača sa ugradnjom rezervnih dijelova** objavljenog na portalu javnih nabavki broj obavještenja 775-1-2-36-3-26/20 od 13.02.2020. godine, Zapisnika o pregledu i ocjeni ponuda broj 0602-537-9-3/20 od 05.03.2020. godine, Odluke o izboru najpovoljnijeg ponuđača, broj: 0602-537-9-4/20 od 06.03.2020. godine, te prihvaćene ponude Dobavljača broj: 0602-537-9-1/20 od 05.03.2020. godine koja je sastavni dio ovog Ugovora.

### PREDMET UGOVORA

#### Član 2.

Predmet ovog Ugovora je nabavka usluga – **LOT 3 servisiranja i popravke mašina/rovokopača sa ugradnjom rezervnih dijelova**, prema prihvaćenoj ponudi dobavljača i prema zahtjevima Ugovornog organa.

### UGOVORENA CIJENA

#### Član 3.

Ugovorena cijena za usluge iz člana 2. ovog Ugovora iznosi:

Cijena usluge koja su predmet ovog Ugovora bez PDV-a iznosi	79.592,84KM.
PDV na ponuđenu cijenu usluga iznosi	13.530,78KM.
Cijena usluga koja su predmet ovog Ugovora sa PDV-om iznosi	93.123,62KM.

### PLAĆANJE

#### Član 4.

Ugovorni organ će plaćanje cijene iz člana 3. ovog Ugovora izabranom Dobavljaču izvršiti u roku do 60 dana nakon prijama uredno ispostavljene fakture za izvršene usluge na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

## **ROK REALIZACIJE**

### **Član 5.**

Dobavljač se obavezuje da će usluge definisane članom 2. ovog Ugovora vršiti kontinuirano prema potrebama Ugovornog organa od momenta prijama narudžbe. Dobavljač je dužan da istog dana po preuzimanju vozila izvrši dijagnostiku kvara, a da servis i popravku izvrši u roku od 48 sati. Ugovorni organ ima pravo prvenstva u pružanju predmetnih usluga.

## **UGOVORNA KAZNA**

### **Član 6.**

U slučaju kašnjenja u izvršenju usluga do kojeg je došlo krivicom odabranog Dobavljača isti će platiti ugovornu kaznu u skladu sa Zakonom o obligacionim odnosima u iznosu od 1 % promil naručene usluge za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe.

Odabrani Dobavljač je dužan platiti ugovorenu kaznu u roku od 7 (sedam) dana od dana prijama zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani Dobavljač nije mogao uticati niti ih predvidjeti.

## **GARANCIJE**

### **Član 7.**

Dobavljač garantuje da će usluge definisane članom 2. ovog Ugovora biti kvalitetne, prema datom lager listi iz Ponude i izvršene u roku.

Garancija za kvalitet usluga koje su predmet nabavke ne smije biti manja od 12 mjeseci od dana izvršenja usluga, bez obzira na broj pređenih kilometara. Ponuđač je dužan da za ugrađene rezervne dijelove da proizvođačku garanciju ili garanciju ovlaštenog distributera. Svi dijelovi iz ponude moraju biti originalni dijelovi iz prve ugradnje i deklarirani u skladu sa važećim propisima.

Ugovorni organ će potpisivanjem računa, odnosno radnog naloga ponuđača konstatovati izvršenje usluga i ugrađenih originalnih rezervnih dijelova. U slučaju zapisnički utvrđenih nedostataka u kvalitetu i obimu izvršenih usluga i ugrađenih originalnih rezervnih dijelova, ponuđač je dužan da nedostatke otkloni u roku od 3 dana, od dana sačinjavanja zapisnika o reklamaciji, odnosno da ugrađeni originalni rezervni dio zamjeni novim. Dobavljač je dužan da prilikom zamjene dijelova (kada se radi o rezervnim dijelovima) skinuti dio sa auta prilikom zamjene preda ovlaštenom licu Ugovornog organa za predmetnu nabavku.

## **GARANCIJA ZA IZVRŠENJE UGOVORA**

### **Član 8.**

Dobavljač je dužan da u roku od 7 (sedam) dana od potpisivanja ugovora dostaviti neopozivu, безусловnu, originalnu bankovnu garanciju za dobro izvršenje ugovora na iznos od 10% (deset procenata) ukupne ugovorene vrijednosti, plativa na prvi poziv sa rokom važnosti garancije po isteku dodjeljenog ugovora.

U slučaju da Dobavljač u pomenutom roku ne dostavi bankovnu garanciju, ovaj će se Ugovor smatrati ništavim, a prijedlog ugovora se dostavlja onom ponuđaču čija je ponuda po rang –listi odmah nakon ponude najuspješnijeg ponuđača.

## **OSNOVNE OBAVEZE DOBAVLJAČA**

### **Član 9.**

Pored obaveza predviđenih važećim propisima, Dobavljač je posebno dužan da usluge iz člana 2. ovog Ugovora izvrši stručno i kvalitetno, u svemu prema datoj Ponudi.

### **Član 10.**

Dobavljač nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Ugovornog organa.

## OSNOVNE OBAVEZE UGOVORNOG ORGANA

### Član 11.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

## RASKID UGOVORA

### Član 12.

Ugovorni organ ima pravo raskinuti ovaj Ugovor u slijedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa
- ako Dobavljač ne izvrši usluge kvaliteta datog u Ponudi
- ako poslije djelovanja više sile nije moguće nastaviti realizaciju Ugovora

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorene strane su saglasne da ni jedna strana drugoj neće dugovati nikakvo oštećenje niti nadoknadu i da će u svemu izmiriti međusobne obaveze.

## RJEŠAVANJE SPOROVA

### Član 13.

Ugovorene strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorene strane ne postignu dogovor o spornim pitanjima, za rješenje spora nadležan je sud u Sarajevu.

## ZAVRŠNE ODREDBA

### Član 14.

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

### Član 15.

Ovaj Ugovor se počinje primjenjivati dan nakon isteka ugovora sa prethodnim dobavljačem, odnosno od 29.04.2020. godine u trajanju od 12 (dvanaest) mjeseci.

### Član 16

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka a ostala 2 /dva/ Dobavljaču.

UGOVORNI ORGAN

KJKP „POKOP“ d.o.o. Sarajevo



Izv.dir. Asmir Hodžić

Direktor, Goran Cerić

Broj, 0602-537-9-7/20  
Sarajevo, 24.03.2020.god.



DOBAVLJAČ:

„JASMIN M“ d.o.o. Žepče

Direktor, Jasmin Malićbegović

Broj, 040/20  
Žepče, 06.04.2020.god.